

河南洛陽縣志

清嘉慶十八年

陸繼輅魏襄同纂

洛陽縣志卷十九

洛陽縣知事曾炳章重印

舉

人陸繼輅

同纂

清洛陽縣知縣魏

襄

冢墓記二

彭婆冢

名勝志彭婆冢在萬安山麓不知何許人宋時彭婆鎮本此

案唐李希烈判圍鄭州邏騎西至彭婆則唐時已有此名其由來遠矣

舊志伊水南彭店寨西北有一大冢周一百六十四步高一丈五尺土人以為彭祖葬處案水經注彭城

卽殷大夫彭祖之國世本云陸終之子其三曰錢是
為彭祖彭祖城有彭祖冢據此知土人必因彭婆附
會削不著錄

舊志在縣南四十里相傳高老彭母墓彭婆鎮得名
以此雍正五年諸生郭維聖請知府張漢題石其辭
曰母以子重子以聖傳是母是子有開必先猗維錢
鏗仲尼稱賢信而好古我心同然他史所紀壽八百
年雉羹享帝食報而仙伊流之東闕塞之南母德淵
源視此遺阡

周萇宏冢

後漢書郡國志雒陽注引皇覽隸東北山萇宏冢

案北山即芒山亦作邱左傳昭二十二年王田北山是也長宏冢在北山當入洛陽志通志入偃師

蘇秦冢

洛陽伽藍記青陽門外三里御道北有孝義里里西北角有蘇秦冢冢旁有寶明寺寺僧常見秦出入此冢車馬羽儀若今宰相也

案蘇秦冢在河南郡有三處伽藍記所稱一也一在新安縣通志引唐張巡詩沙埋古冢折碑丈六國存亡事繫君今日淒涼無處說亂山秋盡有寒雲一在鞏縣鞏志縣西南六十里有三蘇冢蘇秦蘇代蘇厲是也

舊志遺今補

秦呂不韋墓

後漢書注引皇覽縣北芒山道西呂不韋冢

史記裴駟注呂不韋冢在河南洛陽北邙道西大冢是也

舊志土人謂之呂母冢蓋不韋妻先葬故

漢汝陰夏侯嬰墓

博物志滕公薨求葬東都門外公卿送喪忽馬踴地

悲鳴跑蹄下地得一石有銘云佳城鬱鬱三十年見

白口吁嗟滕公居此室遂葬焉

案漢書初嬰為滕公

曲逆侯陳平墓

舊志在縣東南碑樓莊

丁公墓

舊志在縣東北郭外

什方侯雍齒墓

通志在河南府城東

梁王太傅賈誼墓

府志在洛陽縣東北邙山上大坡口道西

丞相長史朱買臣墓

隋唐嘉話東封之歲洛陽平御路得一墓銘文曰漢

丞相長史朱買臣墓

舊志在縣西穀水鎮雍正五年知府張漢立石墓前

西華侯鄧晨墓

後漢書晨取光武姊元光武兵敗單騎遁走遇女弟伯姬與共騎而奔前行復見元趣令上馬元手揮曰行矣不能相救無為兩沒也遂遇害後追諡新野節義長公主晨卒詔遣中謁者備公主官屬禮儀招魂合葬於北邙

平壽侯鄧訓墓

通志在北邙

後漢書元興元年和帝以訓皇后之父使謁者持節至墓賜策追封諡曰平壽敬侯中宮自臨百官大會羅侯鄧騭墓

後漢書建光元年有宮人誣告隲弟悝等謀立平原王得帝聞追怒令有司奏悝等大逆無道廢為庶人隲以不與謀徙封羅侯不食死大司農朱寵肉袒輿櫬上疏訟隲寬帝意頗悟詔還葬洛陽北邙舊塋遣使者祠以中牢公卿皆會喪

潁陽侯祭遵墓

後漢書建武九年卒於軍喪至河南詔遣百官先會喪所車駕素服臨望哭哀慟禮成親祠以太牢既葬車駕復臨其墳

通志墓在河南府城北邙山

祭彤傳帝傷遵無子以彤為偃師長令近遵墳墓

四時奉祠之府志遂疑遵墓在偃師然觀車駕親臨
奠所度非在京師不應如是

太僕祭彤墓

通志墓在河南府城北邙山

後漢書烏桓鮮卑追思彤無已每朝賀京師常過冢
拜謁仰天號泣乃去

送鄉侯劉寬墓

通志墓在河南府城北邙山

建遠侯班超墓

通志墓在河南府城北邙山

崔瑗墓

後漢書涿郡安平人臨終顧命子實曰夫人稟天地之氣以生及其終也歸精於天還骨於地何地不可藏形骸勿歸鄉里寔奉遺令遂留葬洛陽

通志在河南府城東

貞節先生范冉墓

後漢書范冉

注冉或作丹

陳留外黃人中平二年年七十

四卒於家大將軍何進移書陳留太守累行論諡剋史郡守各為立碑表墓

通志墓在河南府城西金水保

府志據獨行傳冉墓在陳留明矣今金水保又有范

丹窰皆屬傅會

大將軍何進墓

通志墓在河南府城西北社村保

安定真墓

西京雜記真善祿術成帝時嘗自祿其年七十三至期果死又曰北邙青隴上孤櫛之西四丈鑿七尺吾葬地也依言往掘得古時空槨即葬焉

樂羊子妻墓

後漢書河南樂羊子妻者不知何氏女盜有欲犯妻者乃先劫其姑妻聞操刀出盜曰釋汝刀從我可全不則殺汝姑妻刎頸而始太守聞之捕殺盜以禮葬之號曰貞義

府志通志以為戰國時人誤

舊志墓在北邙山

摩騰竺法蘭二僧塔

舊志在白馬寺中

魏東武侯王基墓

中州金石記墓碑景元二年立在洛陽碑文與三國志本傳多合唯遷荊州刺史揚武將軍傳作揚烈增邑五千戶傳作千戶

案魏志基母卒詔祕其凶問迎基父合葬洛陽證以墓碑知基祔父母冢而舊志缺之也今補

蜀漢前將軍漢壽亭侯關公墓

三國志注吳歷云權送公首於曹公以諸侯禮葬其
屍骸

案舊志魏武葬公元於洛陽城南五里而今所謂闕
林乃在城南十五里府志據此為疑過矣舊志所稱
城南五里者安知非指曹魏故城而言邪惟府志引
三國志注改以諸侯禮葬其屍骸為據以諸侯之禮
葬之則甚不可蓋原注所引吳歷乃言權送公首於
曹公而以諸侯之禮葬公之體不直云葬之而云葬
其屍骸是蒙上權送為辭非指魏武葬之也魏武以
亦止言傳首至洛陽葬公之元與否未有明文五里
十五里又何從深辨乎要之公英靈炳為日星區

坏士之有無固不足為公輕重也

又案舊志嘗於城南得闕朗墓誌附著於此

案朗字子明北

魏人文中子有闕朗篇

晉睢陽侯王祥墓

晉書祥疾篤遺令西芒上土自堅貞勿用焚石勿起

墳隴穿深二丈椁取容棺其子奉而行之

通志墓在河南府城西

舊志西芒未知即邙山之西否墓今無考

衛尉石崇墓

晉書惠帝復祚詔以卿禮葬之

通志墓在河南府城北邙山

城南侯羊祜墓

晉書祜泰山南城人薨從弟琇等述祜素志求葬於
先人墓次帝不許賜去城十里外近陵葬地一頃祜
喪既引帝於大司馬門南臨送
通志在北邙山

臨海侯裴楷墓

京洛朝市圖裴楷墓在修義坊

廣武侯張華墓

京洛朝市圖張華墓在修義坊

安豐侯王戎墓

聞見錄東都殖業坊有王戎墓隋時釀酒家穿其窟

作密得銘曰晉司徒尚書令安豐侯王君墓

太子中庶子陳壽母墓

晉書陳壽巴西安漢人母遣令葬洛陽壽遵其志坐
不以母歸葬被議

帛仲理墓

水經注灑水西南有帛仲理墓墓前有碑題云真人
帛君之表仲理名護益州巴郡人晉永寧二年十一
月立

元魏魯陽侯韓延之墓

魏書初延之曾來往柏谷塢有終焉之志因謂子孫
曰河洛三代所都必有治於此者我死不勞向北代

葬也即可就此及卒子從其言延之死後五十餘年而高祖徙都

府志通志云韓延之墓在河南府城北今考城北無所謂柏谷塢者疑即鞏偃間之柏谷塢而塢中又無延之之墓姑從通志入洛陽

駙馬都尉昌黎王馮熙墓

魏書熙薨於代詔開魏京之墓令公主之柩俱向伊洛喪至七里澗高祖服衰往迎叩靈悲慟而拜墓日送臨墓所親作誌銘

府志通志云在城南而城東北有馮王山上有馮王

冢通志似誤

案馮王山今俗名鳳凰山舊志形如飛鳳故名